



Concello de Cangas

INICIO DOS OBRADOIROS DE TEMPO LIBRE

06/10/2017

A Concellería de Servizos Sociais, Igualdade e Sanidade do Concello de Cangas informa de que o vindeiro día 16 de outubro darán comezo os obradoiros de tempo libre, nos que participan 532 persoas maiores e 80 persoas pertencentes a colectivos de Cangas, as cales se inscribiron durante o pasado mes de setembro. Os cursos con maior demanda son os de ximnasia, con 180 participantes, e Ioga, con 130 participantes.

Os obradoiros prolongaranse ata o mes de xuño de 2018 e desenvolveranse nas seguintes dependencias municipais:

- ◆ Ximnasia: Pavillón de Romarigo
- ◆ Ximnasia: Pavillón de Gatañal
- ◆ Ximnasia: Centro Sociocultural de Coiro
- ◆ Bailes de salón: Centro Social Cangas
- ◆ Ioga: Centro Social Cangas, Casa do Mar Aldán
- ◆ Pilates: Centro Social Cangas
- ◆ Informática: Centro Social Cangas.
- ◆ Memoria: Centro Social Cangas, Escola vella do Hío, e Casa da Aldea de Nerga
- ◆ Pintura: Centro Social Cangas

O Concello de Cangas pretende, un ano máis, enfocar estes obradoiros dirixidos para persoas maiores e colectivos cunha tripla función: educativa, lúdica e de saúde.

Os/As participantes poderán consultar os distintos grupos e horarios que lle corresponden no Centro Social de Cangas, no Centro Municipal de Benestar Social, e na Casa da Xuventude, a partires do luns 9 de outubro.

Así mesmo, desde o luns 9 ata o vindeiro venres 13 de outubro, ábrese un prazo para cubrir vacantes en distintos obradoiros para persoas maiores. As actividades nas que existen prazas vacantes son:

- ◆ *Ximnasia Gatañal/ Romarigo*
- ◆ *Pintura*
- ◆ *Memoria en Cangas e Nerga*
- ◆ *Informática.*
- ◆ *Ioga Aldán*

Dado que este é un prazo excepcional de inscrición, as vacantes concederanse por rigorosa orde de rexistro.

Concello de Cangas

Avenida de Castelao, 2, Cangas. 36940 Pontevedra. Tfno. 986300050. Fax: 986304850



Concello de Cangas

Lembramos que para participar nestes obradoiros hai que cumprir os seguintes requisitos:

- ◆ Estar empadroadado/a no Concello de Cangas
- ◆ Pagar 30 euros no momento da inscrición
- ◆ Ter mais de 55 anos: acreditando ser pensionista ou carecer de rendas, a excepción do subsidio de desemprego (e non ter traballado nos últimos 12 meses)

Concellería de Servizos Sociais, Igualdade e Sanidade

Concello de Cangas

Avenida de Castelao, 2, Cangas. 36940 Pontevedra. Tfno. 986300050. Fax: 986304850